

# Jut

## Nægkiariien sə rani mə nəfe i nəkukuə

Jut rəmwhen ia Jemes, in piəvi Iesu. In rirai nəkukuə i mægkiari ia nahatən eikuə me səməme Pita ramægkiari ia nirəha ia nəkukuə səvənhi sə ro kəru irə. Jut in mwi rini mə nakalasia me tuhaməkeikei mhəsiari kamo nahatən eikuə me nəha həkoui irapw irəha ia suatuk atukwatukw. Nahatən eikuə me nəha haməni mə Iesu ripko mhə in Tini Kumwesən. Irəha kamhəiri pen nərmama ia noien ərəha. Jut rini mə Kumwesən trərpwɪn noien ərəha səvəi nahatən eikuə me mouraha irəha. Rəmwhen in rɪnərpwɪn raka noien ərəha səvəi nagelo ərəha me mine nərmama ərəha me ia nəpɪn səvəi Oltestamen.

### *Nægkiariien sə rakupwən*

<sup>1</sup> Iou Jut. Iou iərmama riti sə iakamo tukwini nari m Iesu Kristo. Piak nə Jemes. Iakamrai nəkukuə i rauvehe tukumiaha nərmama me i Tata Kumwesən rinokeikei kɪmiaha, məkwein ia kɪmiaha. Iesu Kristo in ramətui amasan tukumiaha. <sup>2</sup> Pwəh Kumwesən trəriari pehe napiien, nəmərɪnuien, mine nokeikeiien m kɪmiaha. Pwəh irəhar harasori mwi tukumiaha.

*Nəkur ərəha me mine nərpwɪnien sə Kumwesən  
tro mɪnrəha*

<sup>3</sup> Piak keikei me. Fwe kupwən iakokeikei pik mə takrai nəkukuə i m kımiaha, mægkiari ia suatuk səkitaha pəri Kumwesən rauvehimiru kitaha irə. Mətə təkwtəkwuni iakregi mə takaməkeikei mirai nəgkiariien i, mini pehe tukumiaha mə tihaməkeikei mhousari mhəkwtəmhiri əknekın nəgkiariien i kitaha samahatətə irə. In i nəgkiariien pərhiən sə Kumwesən rıməuvei pen m nərmama me səvənhi, nənə trıpkuvei pen mhə mwi ia nəpın riti mwi. <sup>4</sup> Iakani iamınhi irə ti nəri nə mə nərmama nepwın həuvəuvehe afafa raka ia nousəsimwınien səkımiaha. Irəha nəkur ərəha me. Kamhəkoui namasanien i Kumwesən rauvehimiru kitaha irə ruvehe mo nari riti sə raməsəni irəha həukurən noien nəfe nəghın nətərigien ərəha səvənraha rokeikei. Irəha kamhəuvsini təkutanraha m Iesu Kristo, mətə in əpa nəha ləmə asori mine lərimənu səkitaha. Kuvərai pen raka tui ia Nəkukuə Ikinan nəfe nərpwınien Kumwesən truvei pen mınraha.

<sup>5</sup> Iakuə tako rerımiaha rırhi nari m nari me nepwın səməme hiəuvəukurən raka. Fwe tui lərimənu rıməuvehimiru nəkur Isrel, miri raka irəha ia tənə Ijip, mətə kurirə rousi əpune irəha nəha səməme həpkini mhə nıpərhiēnien ia nəgkiariien səvənhi. <sup>6</sup> Nənə rerımiaha trırhi ro nagelo me nəha fwe kupwən səməme həpkəkwtəmhiri mhə nasoriēn sə kauvei pen mınraha, mətə haraka irə, mhəpwəh kwopun atukwatukw səvənraha. Kumwesən rınərihi irəha ia jen me səməme tuhəpkiwən mhə, məmri pen irəha fwe inhəripw ia kwopun rıpitəv ikın.

Tuhamarə ikin meste nəpin asori sə Kumwesən trərpwɪn noien ərəha irə. <sup>7</sup> Nənə tihəpwəh nenouenouien taon mi nəha Sotom mine Komora mine rukwənu me ipaka fwe kupwən. Napw rahi pam nərmama me ikin ti nəri nə mə nərman mine nīpran kamhəiri əpnəpen irəha me, nərman me kamhəiri atukw a irəha me. Nərmama me nəha həmwəhen ia nahatən penien riti sə ramahatən pen nərmama səməme Kumwesən trərpwɪn noien ərəha me səvənraha ia napw sə rauək rerin.

<sup>8</sup> Ia noien me nəha rəmwəhen a mwi nərmama me i iakaməgkiari ia nirəha kamhəkuriə nəməkrəhaien me səvənraha, mamho noien əmkemik ia nīpwrənraha, mamhəni mə Iərimənu in rīpkasori mhə ia nirəha, nənə mamhəni ərəha mwi nagelo me fwe ia neiai. <sup>9</sup> Mətə Mikael i, agelo sə rasori ia nagelo me pam, in rīpkə mhə iamɪnhi. Fwe kupwən, nəpin krouəvisə irau Setan mə sin truvehi nīpwrai Moses minimwi, in rīpkuvehi utə mhə in mini nəgkiariien ərəha riti muəsi Setan i. Mətə in rini a mə, “Pwəh Iərimənu trinise ik.” <sup>10</sup> Mətə nərmama me i, trini minuə həreirei nīpwrai nari riti, tuhaməkeikei mhəni ərəha. Irəha həmwəhen ia nəri əprmin me səvənraha nətərigien riwən. Hamo a nəfe narimnari me rerinraha rokeikei, nənə noien nəha ramouraha a irəha.

<sup>11</sup> Aueh, trərəha anan ti nirəha! Irəha kamhesi pen suatuk nə Ken rinesi pen. Irəha hokeikei pik mane mamhəmwei ia nərəhaien nəha Palam rino. Irəha atukw a kamhouraha irəha ti nəri nə mə

---

**1:7:** Jen 19:1-25, 2Tes 2:6,10    **1:8:** 2Tes 2:10    **1:9:** Dan 10:13,21, Dan 12:1, 2Tes 2:11, Rev 12:7, Sek 3:2    **1:10:** 2Tes 2:12  
**1:11:** 1Jon 3:12, 2Tes 2:15, Nam 16:1-35    **1:11:** Jen 4:3-8    **1:11:** Nam 31:16

kamhærer mamhæni æræha Kumwesæn ræmwhen ia Kora rino.

<sup>12</sup> Iræha hæmwhen ia nīpitævpitævien me ia kurkwamiaha. Næpīn hiamousæsimwīn kīmiaha me ia nokeikeien, mamhani pæri nari, iræha hæpkehekīr mhæ, mamhætærig atukw a tī niræha. Iræha hæmwhen ia næpuæ me nīmætagi rameikwi pehe iræha, mætæ nesæn riwæn. Iræha hæmwhen ia nei me hæpkukuæ mhæ ia næpīn sæ nei raukuæ iræ. Ro iamīnhi iræ tukeivi utæ iræha iræha ru-enhīnraha me nænæ tuhemhæ anan. <sup>13</sup> Iræha hæmwhen ia peiau peiau asori me ia tæsi. Noien sævæi naurisīen sævænraha rameiai ræmwhen ia nisækwai tæsi. Iræha hæmwhen ia kæmæhau sæmæme kamhæivæ. Kumwesæn rīnæpnæpenæ raka kwopun pitæv anan riti sævænraha tuharæ rerīn ikīn.

<sup>14</sup> Inok, iærmama sæ ro sefen ruku pen ia kwænækwus sævæi Atam, rīni irapw nægkiariien sæ Kumwesæn ruvei pen min, mukupwæn mægkiari ia nærmama me i, mīni mæ,

“Hætæ ro! Iærimænu rauvehe iræha nægelo ikinan me sævænhi iræha taosen m taosen.

<sup>15</sup> In rauvehe mæ trærpwīn noien æræha sævæi nærmama me pam.

Næfe noien æræha me iræha hæno ia suatuk sæ ræpwæh næmwhenien ia nænimen, uæ næfe nægkiariien skai me nækur æræha me sæmæme kamho noien æræha hæmæni iræ, in tro pui pam, muvei pen nærpwīnien mīnraha.”

<sup>16</sup> Nærmama me i kamho nægkiariien me tī nīni æræhaien nari. Ko iræha hæpkafafa mhæ. Kamh-

esi pen nāfe noien ərəha nətərigien səvənraha rokeikei. Kamhəfiəutə atukw a ia nirəha me. Kamhəgnəgini nərmama, mətə ho a mə nərmama tuhasitu ia nirəha.

*Rerimiahaha tramrhi nəgkariien səvəi aposol me*

<sup>17</sup> Mətə piak keikei me, rerimiahaha traməkeikei mīrhi nāfe aposol me səvəi Iesu Kristo Iərimənu səkītaha həuvəni raka fwe kupwən mə trier irapw.

<sup>18</sup> Həməni pehe tukumiahaha i mə, “Tramevən ipaka ti nəpīn sampam nərmama nepwīn tuhəuvehe. Irəha tuharis ia kimiahaha, mamhesi pen nāfe noien ərəha nətərigien səvənraha rokeikei, mamho narimnari me həpwəh nəmwhenien ia nəmri Kumwesən.” <sup>19</sup> Nərmama me i tuhəvisə mheitēhi kusen səkīmiaha. Irəha nərmama me səvəi tīprənə i. Nənīmwiin Ikinan riwən ia nirəha.

<sup>20</sup> Mətə piak keikei me, kimiahaha tihaməkeikei mhərpwi əknekīn kimiahaha me, mho nahatətəien səkīmiaha rīskai. Nahatətəien nəha ruku pen ti Kumwesən, nənə ro ikinan i. Nəpīn me tihaməkeikei mhəfwaki ia nīskaiien səvəi Nənīmwiin Ikinan, <sup>21</sup> mhəpwəh narakaien ia nokeikeiien səvəi Kumwesən. Tiho iamīnhi mamheitenhi Iesu Kristo Iərimənu səkītaha. In truvehē mapi kimiahaha, nənə muvei pehe nīmīruien rerīn m kimiahaha.

<sup>22</sup> Nərmama səməme nahatətəien səvənraha rīpkiskai mhə, kimiahaha tihaməkeikei mhapi irəha.

<sup>23</sup> Nərmama səməme kamho noien ərəha me, tihaməkeikei mhəuvehi raka irəha ia noien ərəha me səvənraha. Tihəuehimīru irəha pwəh həpwəh nevənien fwe ia napw. Nərmama nepwīn mwi

tihaməkeikei mhapi irəha, mhehekir mwi irəha. Nəri auər a mə tınari səvənraha, mətə tihəhekir i, mhəpwəh nırapiien, ti nəri nə mə rəmkemik ia nərəhaien səvənraha.

*Nəgkariien sampam*

<sup>24</sup> Kumwesən in əpa trəkwtəmhiri kimiaha mə tihəpwəh nımweiien. In əpa tro hiəuvən mhərer ia nənimen ia kwopun səvənhi sə raməhiapw, kimiaha tihatukwatukw pam, mamhagien asori.

<sup>25</sup> Kumwesən i sə rauvehimiru kitaha ia nəghi Iesu Kristo İərimənu səkitaha in əpa Kumwesən. Pwəh nəgnəginiien, mine nərimənuien, mine niskaiien, mine nasoriiien həuvən əpa tukwe fwe tui nəpın tiprənə ramiwən ihi, ipwet mine, mamevən meste nuk nuk me. Ouəh, pwəh ro iamınhi.

**Nəkukuə Ikinan**  
**The New Testament in the Nafe (Kwamera) language**  
**of Southeast Tanna, TAFEA Province, Vanuatu**  
**Niutestamen long lanwis Nafe blong Vanuatu.**  
**Le Nouveau Testament dans la langue Nafe de**  
**Vanuatu.**

copyright © 2013 Wycliffe Bible Translators, Inc.

Language: Nafe (Nafe)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-06-18

---

PDF generated using Haiola and XeLaTeX on 22 Feb 2024 from source files dated 31 Aug 2023

26b0f540-c192-5878-be67-18ede9ab1416